

Jejebu, Sejarah
Perlembagaan Adat
dan Istiadatnya

Oleh.

KALAM TERJALI.

*Jejebu, Sejarah
Perlembagaan Adat
dan Istiadatnya*

Oleh .

KALAM TERJALI.

PENDAHULUAN

Dengan inayah Tuhan Yang Maha Kuasa dapat-lah di-susun buku kecil ini kepangkuan saudara2 yang meminat sejarah Luak Jelebu. Sa-sungguh-nya buku yang di-beri nama Jelebu, Sejarah, Perlembagaan Adat dan Istiadat-nya' ini ada-lah sama sekali jangan di-anggap sabagai authority atau lain2-nya, ha-nya buku ini sabagai satu sumbar bacaan sejarah sahaja.

Selain dari tujuan menchatetkan sejarah yang di-sebarkan dari mulut ka-mulut sahaja maka buku ini sekarang sekurang2-nya sabagai bahan penyiasat bagi mereka menyelami lubok sejarah kampong halaman-nya.

Buku ini saya karang dan susunkan dengan mendapat bahan2 dari perchakapan mulut, keterangan yang di-beri bersendirian oleh orang tua2 dan buku2 chatitan mana2 yang terjumpa.

Sidang pembaca yang mulia, saya mendahului menghulorkan tangan memohon maaf di-atas segala kesilapan2 yang akan di-temui dalam masa membaca nanti, anggap-lah kesalahan2 itu sabagai yang tidak di-sengajakan dan kebetullan jua, sempena Tabal Undang Jelebu hari ini. Bersama2-lah kita membaiki-nya buat masa akan datang ini.

Kuala Klawang,
4hb. November, 1967.

Salam hormat dari,
Penyusun,
KALAM TERJALI.

BAB VII

YAMTUAN JELEBU

Pada zaman dahulu di-Jelebu itu ada memakai Yamtuan ia itu mengikut cherita-nya bermula-nya dalam zaman pemerentahan Dato' Undang Bukur. Pada masa itu orang Jelebu berkehendakkan sa-orang keturunan raja memerintah tempat mereka, maka Raja Adil pun di-hantar ka-Jelebu. Lepas Raja Adil di-gantikan pula oleh Raja Singkul, kemudian Raja Singkul di-gantikan pula oleh Raja Asil. Ketiga2-nya itu bersemayam di-tempat yang bernama Pita Serambai. Mereka semua tidak di-resmikan jadi Yamtuan Jelebu. Akan orang yang sabenar-nya telah di-angkat oleh Undang dan warith2 lembaga2 Jelebu jadi Yamtuan mula2 di-Jelebu itu ia-lah sa-orang yang bernama Raja Tengku Ahmad Shah atau Tengku Sabun (Almarhom keramat) ia itu putra kapada Tengku Singkul.

Ada pun Tengku Sabun itu di-agakkan telah jadi Yamtuan Jelebu lebeh kurang dalam T. M. 1920. Ada pun dalam cherita Jelebu tiada di-dapati tersebut pada zaman Undang mana Tengku Sabun itu jadi Yamtuan. Tetapi jika di-bandingkan daftar nama2 Yamtuan dan Undang Jelebu maka harus-lah Tengku Sabun itu telah di-angkat jadi Yamtuan pada masa pemerentahan Dato' Durongga atau (Dato' Gila) jadi Undang Jelebu. Oleh sebab Dato' Durongga itu bodoh dan gila, konon-nya pada suatu masa lembaga dan warith2 Jelebu telah bersatu mengangkat Tengku Sabun jadi Ketua Pemerintah mereka, kerana Tengku Sabun kelakuan-nya baik terhadap kapada raayat Jelebu dan nampak-nya ada kebolehan menjaga negeri itu, tambahan pula ia-nya sa-orang yang pandai, cherdik serta perangai-nya pun ta'ada yang chachat.

Saperkara lagi pada masa itu ada sa-orang raja putra kapada Raja Adil bernama Raja Inisan telah membuat kachau dalam Jelebu, tetapi ia telah di-halaukan oleh Yamtuan Sabun lalu lari-lah ia ka-Gemenchih ia itu katempat kaum keluarga-nya. Maka ada sa-orang chuchu kapada Raja Inisan itu bernama Raja Jaafar ia itu putra kapada Raja Lahap telah beristerikan Tengku Sulong anak saudara Yamtuan Abdullah (Yamtuan Jelebu). Ada pun Raja Jaafar itu sa-orang yang sangat tiada baik perangai-nya dan telah mati di-bunuh oleh Yamtuan Antah di-Seri Menanti. Setelah mangkat Yamtuan Sabun (Almarhom keramat), maka di-gantikan oleh putra-nya Tengku Jaya menjadi Yamtuan Jelebu. Ada pun Yamtuan Jaya ini telah mangkat serta merta pada masa melihat orang menyabong ayam di-tempat Dato' Kelana di-Pantai. Jenazah-nya telah di-bawa balek oleh Dato' Amar Mentek Ulu Klawang ka-Pita Serambai lalu di-makamkan di-sana.

Apabila Yamtuan Jaya mangkat, putra-nya Tengku Etet dan anak saudara-nya Tengku Abdullah (Putra Yamtuan Radin) masing2 telah menuntut hendak jadi Yamtuan Jelebu, hingga terjadi pergadohan sama sendiri pada masa itu dalam Jelebu. Dalam pergadohan itu Tengku Abdullah telah lari ka-Sungai Ujong dan diam di-Paroi. Maka Tengku Etet-lah jadi Yamtuan Jelebu lalu membuat tempat pemerentahan-nya di-Kenaboi. Tengku Etet di-bantu oleh Dato' Menteri. Tetapi ia jadi Yamtuan itu nampak-nya tiada-lah di-lantek dengan istiadat, hanya dengan mengaku ia memegang gelaran Yamtuan itu sahaja telah di-panggilkan kapada-nya. Dalam masa empat tahun lama-nya Yamtuan Etet jadi Yamtuan itu maka ia pun mangkat-lah di-Pita Serambai. Maka dengan serta merta ia telah di-gantikan oleh sa-pupu-nya yang melawan-nya dahulia ia itu Tengku Abdullah. Maka Yamtuan Abdullah ini-lah Yamtuan Jelebu yang penghabisan sa-kali, lepas itu tiada-lah Jelebu memakai Yamtuan lagi.

Ada pun Tengku Abdullah itu apabila ia jadi Yamtuan di-Jelebu maka akan ia-

nya membuat tingkah laku perbuatan-nya melampaui "Adat Istiadat Jelevu" ia itu sa-sa-orang Yamtuan itu tiada-lah berhak mempunyai negeri itu dan tiada ia berkuasa boleh memungut chukai2 dalam negeri, melainkan Yamtuan itu ha-nya-lah Tampok Keadilan di-dalam negeri dan nafkah sara hidup makan minum-nya di-tanggung oleh anak negeri. Tetapi pada masa ia jadi Yamtuan Jelevu Yamtuan Abdullah telah menjalakan muslihat berkenaan dengan hal2 memerintah negeri tiada-lah mahu bertanya atau pun memberi tahu lagi kepada Dato' Undang Jelevu dan ketua2 dalam Jelevu melainkan di-jalakan-nya sendiri sahaja.

Maka pada 26 April tahun 1877 Yamtuan Abdullah telah membuat suatu perjanjian dengan Gabnor Negeri2 Selat. Dalam perjanjian dengan Gabnor Negeri2 Selat itu ha-nya-lah Yamtuan Abdullah sa-orang sahaja menanda tangani bagi pihak Jelevu; Dato' Undang dan ketua2 Jelevu tiada di-bawa-nya berserta. Ada pun perkara2 yang tersebut dalam perjanjian itu ia-lah Yamtuan Abdullah berkehendakkan negeri Jelevu itu dalam aman dan tiada-lah ia hendak merosakkan negeri negeri orang lain. Dan lagi di-benarkan-nya orang orang luar boleh membuat perniagaan dan membuka lombong dengan mudah dalam Jelevu.

Dalam perjanjian itu tersebut juga ia itu apa2 perbalahan atau pun pergadohan berkenaan dengan hal ini jika berlaku dalam Jelevu mana mana yang ia tiada dapat menyelesaikan-nya di-serahkan kepada Sultan Johor memutuskan. Demikian-lah maksud yang tersebut dalam perjanjian itu.

Maka kelakuan Yamtuan Abdullah membuat pandai pandai sendiri dan memberikan kuasa kepada Sultan Johor berkenaan dengan hal Jelevu itu tentu-lah sangat di-marahi oleh Dato' Undang Jelevu dan lain-lain ketua ketua dalam Jelevu. Mereka sa-kali-kali tiada bersatuju dengan perbuatan-nya itu.

Kemudian daripada itu dalam T.M. 1880 berbangkit pula suatu hal lagi yang menambah lagi marah Dato' Undang Jelevu itu kepada Yamtuan Abdullah, ia itu ada sa-orang pegawai dalam Balai Panjang Dato' Undang Jelevu bernama To' Bilal Ismail telah di-hukum bunuh oleh Yamtuan Abdullah. Pada masa Yamtuan Abdullah menjatuhkan hukum bunuh itu tiada-lah ia bertanya atau memberi tahu kepada Dato' Undang dan ketua ketua di-situ. Oleh sebab itu Dato' Undang Jelevu bersama2 dengan orang Delapan-nya telah bermashuarat dan mereka telah memutuskan hendak membuang Yamtuan Abdullah dari Jelevu di-halau ka-Seri Menanti.

PERSELISEHAN DI-ANTARA DATO' UNDANG SAIYID ALI DENGAN YAMTUAN ABDULLAH

Maka dengan ini terbit-lah pergadohan dan perselisihan dalam Jelevu di-antara pengikut2 Yamtuan Abdullah dengan pengikut2 Dato' Undang Saiyid Ali. Dato' -dato' dalam Jelevu yang menyebelahi Yamtuan Abdullah sa-tengah daripada-nya ia-lah Dato' Raja Balang Long ketua warith Ulu Jelevu, Dato' Menteri Ahat, Dato' Maharaja Inda Latif dan Dato' Lela Angsa Haji Othman ketua suku Tiga Batu. Maka pada masa itu berlaku-lah perselisihan hingga berbunuh2an di-antara kedua puak itu. Akhir-nya kedua dua puak itu ia-itu puak Yamtuan Abdullah dan puak Dato' Undang Saiyid Ali telah meminta pertolongan kepada Gabnor Negeri2 Selat supaya menyelesaikan dan menimbangkan perselisihan mereka itu. Gabnor negeri2 selat telah menchampori hal itu dan pada 24. August tahun 1883 di-perbuat-lah suatu perjanjian di-antara Jelevu dengan kerajaan Inggeris. Pada masa itu Gabnor Negeri2 selat pun menghantar sa-orang pegawai Inggeris ka-Jelevu menjadi British Resident di-situ.

Maka pada masa orang-orang Inggeris menyelesaikan perselisihan di-Jelebu itu, tiada-lah mahu kerajaan Inggeris mempersatujui akan chadangan hendak memechat Yamtuan Abdullah daripada pangkat-nya itu; sebab-sebab-nya ia-lah pertama kerana pekerjaan hendak memechat Yamtuan Abdullah itu tiada di-beri tahu lebeh dahulu kepada kerajaan Inggeris; kedua kerana pechatan yang saperti itu selalu-nya di-dapati tiada memberi bekas dan tiada sah; ketiga kerana Yamtuan Abdullah itu telah di-akui jadi Yamtuan Jelebu dalam surat perjanjian yang di-buat dalam T.M. 1677 dahulu. Pada masa itu T.M. 1683 kerajaan Inggeris telah menetapkan Yamtuan Abdullah mendapat gaji sa-umor hidup sa-banyak \$1,200 sa-tahun dengan syarat tiada-lah boleh ia menchampori hal pemerentahan dalam Jelebu itu, dan hal hal pemerentahan hendaklah semua-nya terpulang kepada Dato' Undang Jelebu sahaja.

Sungguhpun sudah di-buat perjanjian tadi, tetapi Yamtuan Abdullah nampak-nya payah-lah hendak memadankan diri-nya dengan syarat-syarat baharu itu dengan baik, kerana dalam bulan January tahun 1684 lagi sakali Yamtuan Abdullah kena menanda tangani suatu perjanjian yang lain pula; di-dalam-nya ia mengaku tiada akan pegawai Inggeris bernama Tuan H. O'Brien telah datang ka-Jelebu. Maka di-lihat-nya banyak-lah kerosakan kerosakan dalam negeri itu yang di-sebabkan oleh pergadohan pergadohan yang tiada berkeputusan ini. Mengikut cherita tuan itu kata-nya, "Keadaan negeri Jelebu pada masa ini sangat-lah mendukachitakan. Sungguhpun ada di-dapati tanda-tanda yang menunjukkan belum lama dahulu negeri itu dalam maamor dan orang-orang-nya ramai tetapi masa sekarang boleh-lah di-katakan semua tanah-tanah dalam negeri ini tinggal tandang sahaja. Saya telah berjalan berbatu-batu jauh-nya melalui beberapa buah kampong yang telah di-tinggalkan orang, tetapi di-keiling kampong-kampong itu beberapa banyak sawah-sawah dan ladang-ladang padi yang chantek-chantek dan pokok-pokok buah2buahan maseh berbuah lagi.

Tentang kekusutan ini Dato' Undang Saiyid Ali menerangkan ada-lah dalam adat-nya Yamtuan Jelebu itu di-angkat dengan persatujuan Dato' Undang serta ketua2 di-Jelebu jadi Tampok Keadilan sahaja, jika sa-sa-orang akan di-hukum bunoh akan hal-nya sa-belom di-salang atau di-panchong, Dato' Undang, Dato' Kepala Warith2 serta Dato' Lembaga misti bersama2 berkebulatan menyiasat kesalahan2-nya sa-belom hukuman di-jalankan. Sa-lepas siasatan yang teliti dan jika di-dapati thabit kesalahan-nya ia misti di-bunoh maka sama2 Undang dan Yamtuan maka baharu-lah di-jalankan oleh sebab dalam undang2 Adat-nya Keris Penyalang Undang Yang Punya, Tali pengikat Lembaga yang punya, Pedang Pemachong pada Keadilan. Sara hidup Yamtuan yang di-tetapkan itu tadi di-beri oleh Undang dan ia sahaja akan memungut hasil dari chukai dan bia dari apa2 yang patut. Yamtuan misti berpuas hati dengan apa yang di-beri oleh Undang itu tidak boleh memungut atau membuat anggaran perbelanjaan-nya sendiri ini akan di-uruskan oleh Undang. Ia Umpama Uiar Besar apa yang ada pada tangan Undang itu sahaja yang patut di-beri dan di-terima.

Lagi pun sakira-nya Yamtuan berfikir hendak membuat apa2 ranchangan ia ta' boleh bertitah dengan tidak memberi tahu Undang. Ia tidak boleh membuat pakatan2 dengan suku2 di-luak dan anakbuah lembaga. Jika Yamtuan melanggar Kanunan Adat ini ia akan terbuang ka-Luat Ta' Berombak atau di-Padang Ta' Berumput, akas-nya ia akan di-singkirkan dari negeri itu. Dan Jika Undang pula melanggar-nya maka ia akan di-murka hingga mati oleh Aindika Yang Mahasakti dari Pagar Ruyong, dan jika sa-sa-orang Lembaga melanggar-nya ia akan di-makan oleh Pedang yang Sakti yang Mahatajam dan ini-lah kanunan undang2 adat perpateh di-Jelebu yang di-amalkan dan di-pakai sebagai saluran di-ata5 segala lantekan dan jawatan dalam hal adat. Begitu-lah undang2 yang membolehkan sa-orang itu di-buang negeri atau di-bunoh atau di-panchong atau di-pechat.

Pergolokan kuasa ini menyebabkan pergaduhan yang tersebut di-atas Dato' Lela Angsa Hj. Othman yang menyebelah pada Yamtuan Abdullah itu ia-lah juga menjadi setiausaha negeri atau lembaga bagi Yamtuan di-Istana-nya dan juga ia Lembaga Suku Tiga Batu. Sebab-nya lembaga itu ada-lah mengikut nisab sa-belah ibu Yamtuan itu ia-lah suku tiga batu. Dalam adat-nya ta' ada perhubungan terus2an dari Undang kepada Yamtuan, Undang menyampaikan sabda-nya melalui Dato' Menteri-nya dan ia menyampaikan pada Yamtuan melalui Dato' Lela Angsa, sebagai Kunchi Raja Langsa Kuchi Undang Menteri dan begitu juga sa-balek-nya. Dato' Undang Saiyid Ali Aljafri bertindak memecat dato2 yang menyebelah Yamtuan hingga menyebabkan pergolakan yang tersebut. Pergolakan kuasa yang rumit ini merunching hingga beberapa lama. Lembaga2 itu tidak mengakui pemecatan mereka itu. Maka dengan ini jadi ada dua orang mengaku memegang jawatan2 yang di-pergolakkan itu hingga mebingongkan pemungut khazanah pegawai British itu kerana ada dua Maharaja Inda dan lain2 lagi masa menanda tangani Treati 1883 yang tersebut di-atas. Ahat dan Long menyembahkan kepada Sultan Pahang mendaawa chuba tengok perbuatan kuasa Alam, bukan-kah Sungai Teriang anak sungai Pahang. Semua-nya kerana hendak menang dalam helah-nya masing2.

Shahadah pada 13 December tahun 1884 Yamtuan Abdullah pun mangkat-lah Dato' Undang Saiyid Ali pun mengutus kepada menantu (anaksaudara jua) Almarhom Yamtuan Abdullah di-Tampin, Tengku Idris nama-nya, minta datang ka-Jelebu menggantikan almarhom itu. Tengku Idris telah di-songsong oleh Dato' Undang Saiyid Ali di-Sungai Ujong membenarkan ia pergi ka-Jelebu dengan persetujuan British Resident Sungai Ujong di-iringkan oleh dua belas orang mata-mata serta di-bekalkan pula wang sa-ratus ringgit. Apabila Tengku Idris sampai ka-Jelebu di-dapati-nya di-sana telah sedia ada dua orang yang sama2 menuntut hendak jadi Yamtuan Jelebu ia itu sa-orang adinda Yamtuan Abdullah bernama Tengku Muda Chik dan sa-orang lagi putra sulong Yamtuan Abdullah bernama Tengku Nambol. Ada pun Tengku Nambol itu telah dihantarkan oleh Yamtuan Antah Seri Menanti pergi ka-Jelebu dan di-beri-nya kuasa suroh mengambil pangkat Yamtuan itu. Dato' Undang Saiyid Ali tetap mendirikan Tengku Idris juga bagi Yamtuan Jelebu itu, tetapi kesudahan-nya tiada-lah di-dapati keputusan siapa yang akan menggantikan, jadi Yamtuan itu, pada hal jenazah almarhom Yamtuan Abdullah maseh belom di-kebumikan lagi.

Apabila Tuan H. O'Brien mendengar hal yang demikian itu ia pun memberi perintah suroh memakamkan jenazah almarhom Yamtuan Abdullah itu dan di-nyatakan kepada orang ramai bahawa ganti Yamtuan itu terpulang kepada keputusan kerajaan Inggeris, ta'usah-lah di-gadoh2kan lagi. Pada 3 June 1885 datang-lah sa-orang pegawai Inggeris bernama Tuan E.P. GUERITZ ka-Jelebu. Tuan itu-lah pegawai Inggeris yang mula2 jadi Pemungut chukai di-situ.

Pada masa ia mula2 jadi Pemungut Chukaidi-situpertama2 perkara yang diminta oleh Undang Jelebu kepada-nya ia-lah supaya pangkat Yamtuan dalam Jelebu itu di-buang langsung. Kerajaan Inggeris sangat-lah bersatuju dengan kehendak Dato' Undang itu, kerana hanya itu-lah sahaja jalan yang dapat memadamkan huru-hara di-Jelebu itu.

BRITISH MULA MENCHENGKAM.

Dalam hal pertama permintaakaan Undang Jelebu itu ia sudah dapat kata sa-pakat dari Dato' Warith dan Lembaga-nya yang delapan bersama berkebulatan meyokong apabila mereka faham ia itu Undang di-sokong oleh Kerajaan British yang baharu sampai di-Jelebu itu. Dalam bulan July tahun 1885 itu juga perkara Yamtuan itu telah di-serahkan oleh orang2 Jelebu kepada maalamuan Tuan British Resident

sendiri. Maka sungguhpun dalam tahun 1886 bulan February ada pula orang2 Jelebu membuat surat permintaan hendak mengadakan balek Yamtuan itu, tetapi dalam bulan March tahun itu juga pada masa Tuan Gabnor Negeri2 Selat melawat Jelebu, orang2 Jelebu telah memutuskan fikiran-nya ia itu Jawatan Yamtuan Jelebu itu hendak-lah di-mansohkan langsung. Dato' Lela Angsa pun di-hapuskan dalam hal Yamtuan, ha-nya jadi Tua suku tiga batu sahaja tidak ada lagi bahagian-nya dalam ertikata adat mengikut nisab dari sebelah ibu Yamtuan Jelebu.

Kesudahan-nya dalam bulan September tahun 1886 di-perbuat-lah satu perjanjian di-antara Jelebu dengan kerajaan Inggeris. Dalam perjanjian itu di-sahkan ia itu sa-orang pegawai British hendak-lah di-kekalkan diam di-Jelebu sabagaimana sebutan orang2 Jelebu ia itu Dato' Undang dan warith serta lembaga menerima naongan kerajaan British dan mengaku mengikut nasihat-nya. Kerajaan British di-minta menjaga serta menyelamatkan peratoran pemerintahan Jelebu. Dari samenjak itu-lah mula2-nya Kerajaan British betul2 menaongi Jelebu khas-nya mula menchengkankan kuku pemerintahan-nya.

Dengan persetujuan bersama dengan kerajaan British dan pehak Jelebu lalu Sungai Dua di-jadikan sempadan antara Jelebu dan Pahang. Mengikut sempadan orang2 Biduanda dahulu sempadan2-nya di-tetapkan pada beberapa masa di-tempat2 ini, tiap2 perubahan ada-lah peralahan bagi pehak Jelebu jadi sempadan (1) Telok Merbau-Seratus (2) Lompatan Beruang (3) Meranti Sembilan (4) Pasir Kelambu (5) Jambu Runtuh (6) Kuala Poh di-sini ada rumpun aur duri di-tanam oleh To' Kaya Hasan Temerloh, khabar-nya maseh ada juga tanda atau rumpun itu lagi. (7) Kuala Seme'ih (8) Sungai Dua. Terdahulu daripada-nya sebutan untok Jelebu ia-lah termasuk segala negeri di-lengkongan bukit2 ini di-sabelah Pahang hingga:- Melambai Berangga, Penyabong, Beras Ginting, Terak, Hidong, Hitam, Telemong, Sepam dan Hantu. Di-sabelah Selangor Genting Piras, Pantur, Rambut, Nior Rambang, Genting Impan, dan Silang. Di-sabelah Semujong, Bukit Tangga, Batu Bo'k, Salai Lubok Jin, Busong Lahor, Runtuh dan Besar. Dari saat itu-lah jajahan Jelebu masok bernaong betul di-bawah naungan British.

INI IA-LAH-SALASILAH YAMTUAN2 JELEBU

Isteri yang kedua X Raja Adil X Che' Menek (Suku Tiga Batu)
nama-nya tiada
di-ketahui

